

## **Javanese - Pangayoman Kitab Suci - Protection Scriptures**

**Yeremia 1:18 Mungguh Ingsun, lah ing dina iki sira Sundadekake beteng kang santosa, saka guru wesi lan balowarti tembaga, nglawan sawaratuning nagara iki, nglawan para raja ing Yehuda lan para panggedhene, para imame sarta rakyate nagara iki.**

**Yeheskiel 3:18 Manawa Ingsun ngandika marang wong duraka: Sira mesthi bakal kaukum pati! -- mangka sira ora ngelingake wong iku lan ora kandha apa-apa marang wong duraka iku kanggo ngelingake supaya mbuwanga lakune kang ala, amrih bisane lestari urip -- wong iku bakal mati marga saka dosane, nanging getihe bakal Suntempuhake marang sira.**

**Yeremia 6:27 Ingsun wus ngangkat sira saka ing antaraning para umatingSun dadi tukang neter, sira kudu ngreti carane niti-priksa, lan kudu neter tindak-tanduke.**

**Lèwi Imamat - Kaimaman 26:19 sarta Ingsun bakal mutung pangwasanira kang gumunggung, lan langitira bakal Sundadekake kaya wesi, lan buminira kaya tembaga,**

**Pangandharing Toret 23:5 Nanging Pangeran Yehuwah ora karsa nyembadani marang Bileam, malah ipat-ipate diwalik dening Pangeran Yehuwah, Gusti Yehuwahmu, dadi berkah awit Pangeran Yehuwah. Gusti Yehuwahmu, ngasihi marang kowe.**

**Roma 12:21 Kowé aja nganti dikalahaké déning piala, nanging piala iku kalahna sarana kabecikan.**

**Masmur 143:8,10 Kawula ing wanci enjing mugi kawedharana sih-kadarman Paduka, awit kawula kumandel dhumateng Paduka! Kawula mugi Paduka tedahaken margi ingkang kedah kawula ambah, awit nyawa kawula tumenga dhumateng Paduka. 10 Kawula mugi Paduka wulang nglampahi karsa Paduka, awit Paduka punika Gusti Yehuwah kawula! Roh Paduka ingkang sae mugi nuntuna lampah kawula wonten ing siti ingkang wradin.**

**Masmur 94:12 Dhuh Yehuwah, rahayu tiyang ingkang Paduka perdi, ingkang Paduka wulang saking angger-angger Paduka,**

**Wulang Bebasan 27:12 Manawa wong kang prayitna nyumurupi bilai, banjur umpetan, nanging kang ora duwe pangalaman terus bae, temah tinempuh ing bilai.**

**Filipi 2:16 kanthi ngandhemi sabdaning urip, supaya aku bisa mongkog ing**

**dinané Kristus, déné ora nglaha anggonku nglakoni balapan sarta ora nglaha anggonku kangélan.**

**Yesaya 49:4 Ewadene unjukingSun:** “**Anggen kawula kangelan punika tanpa damel, tuwin tanpa wusana saha tanpa gina anggen kawula ngesokaken kakiyatan kawula; nanging wewenang kawula punika wonten ing Pangeran Yehuwah sarta pituwas kawula punika wonten ing Yehuwah kawula.”**

**Masmur 76:3 Ana ing kono Pangeran wus mutungi panah kang kumilat, tameng tuwin pedhang sarta piranti perang. (Selah)**

**Ibrani 13:21 mirantènana kowé kalawan samubarang kabèh kang becik kanggo nindakaké karsané, sarta nindakaké ana ing urip kita apa kang ndadèkaké keparengé, lantaran Yésus Kristus. Panjenengané iku kang sayoga kamulyakaké nganti salawas-lawasé! Amin.**

**1 Korintus 16:15 Ana manèh panjalukku marang kowé, para Sadulur. Kowé padha sumurup yèn Stéfanas sabrayaté iku kang kawitan padha mratobat ana ing Akhaya, sarta wus padha ngabdi marang paladosan kanggo para suci.**

**Filipi 1:27 Mung baé kelakuanmu kacundhukna karo Injilé Kristus, supaya menawa aku teka aku ndeleng, déné menawa aku ora teka aku krungu, yèn kowé padha mantep tunggal roh lan saiweg padha mbudidaya sakatogé kanggo pangandel kang tuwuhan saka Injil**

**1 Korintus 15:58 Mulané para Sadulurku kang kinasih, kowé padha dibakuh, ditanpa gingsir, lan tansah disregep anggonmu nglakoni ayahané Gusti! Awit kowé padha sumurup, yèn ana ing patunggilaning Gusti, kangèlanmu mesti ora muspra.**

**Kolosé 4:12 Salam kanggo kowé saka Épafras, kang asalé saka ing antaramu, iku abdiné Kristus Yésus, kang tansah ngganter anggoné ndongakaké kowé, supaya kowé tetep tanggon, kayadéné wong-wong kang diwasa lan kang yakin temenan marang apa kang dadi karsané Yehuwah.**

**2 Para Raja 19:34 Sarta Ingsun bakal mageri kutha iki supaya slamet, iku marga saka Ingsun lan marga saka Dawud, abdiningSun.**

**Yeremia 15:20,21 Ingsun bakal ndadekake sira dadi balowarti tembaga kang santosa tumrap bangsa iki; wong iku bakal padha merangi sira, nanging ora bisa menang, amarga Ingsun ngantri sira, sira Sunslametake lan Sunluwari. -- Mangkono pangandikane Sang Yehuwah. -- 21 Ingsun bakal ngluwari sira saka tangane wong duraka, lan ngrebат sira saka ing cengkeremane para wong kang ambeksiya.**

**Masmur 55:19 Gusti Yehuwah ngluwari aku kanthi tentrem saka**

**pangrangsang mungsu<sup>ku</sup>, awit padha gumrudug nglawan marang aku.**

**Yeheskiel 30:24** Ingsun bakal nyantosakake tangane raja ing Babil lan bakal maringake pedhangingSun ana ing tangane, nanging tangane Pringon bakal Suntugel lan dheweke bakal ngadhuh-adhuh kaya wong kang tatu banget ana ing ngarepe.

**Wahyu 3:18** mulané Ingsun ndhawuhi sira, supaya sira tuku mas kang binesot ing geni marang Ingsun, supaya sira dadi sugih; lan uga sandhangan putih, supaya sira anggo, temah aja nganti katon anggonmu wuda, kang ngisin-isini; apadéné lenga kanggo mblonyohi mripatira, supaya sira bisa ndeleng.

**1 Yohanes 3:17** Sapa sing uripé ing donya kalubèran, mangka weruh saduluré tunggal pracaya kacingkrangan, éwadéné nutup lawanging atiné tumrap saduluré mau, kepriyé bisañé kasebut yèn katresnaning Yehuwah tetep dumunung ing wong iku?

**Yesaya 50:4** Pangeran Yehuwah wus mulang guneman marang Ingsun kayadene murid, supaya Ingsun bisa nyantosakake wong kang lemes lesu kalawan tembung. Saben esuk talinganingSun kapredi ngrungokake kayadene murid.

**Masmur 18:40** Kawula sampun Paduka sabuki klayan karosan tumrap ing perang; ingkang sami nglawan kawula punika sampun Paduka telukaken wonten ing sangandhaping pangwaos kawula.

**II Samuel 22:40** Paduka sampun ningseti lambung kawula kanthi karosan tumrap ing perang. Tiyang-tiyang ingkang gumregah nglawan kawula, Paduka telukaken ing sangandhaping panguwaos kawula.

**Masmur 89:44** landheping pedhangipun Paduka damel mbalik, Paduka boten damel supados saged tanggon wonten ing peprangan.

**Yeheskiel 13:6** Wahyune wong-wong iku ngapusi lan pamecane iku goroh. Padha kandha: Mangkene pangandikane Pangeran Yehuwah. Mangka padha ora kautus dening Yehuwah, ewasamono padha ngarep-arep kelakone pangandikane mau.

**Lèwi Imamat - Kaimaman 26:37** bakal padha kesandhung ing kancane lan ambruk kayadene nyingkiri pedhang, sanadyan ora ana kang mburu; sarta sira bakal padha ora bisa ngglawat ana ing ngarepe mungsuhira.

**1 Korintus 14:8** Utawa menawa swarané slomprèt ora cetha, sapa kang bakal siyaga ing perang?

**Ayub 15:24** Atine kagawe giris dening kasangsaran lan karupekan, kang ngebyuki kayadene raja kang wus samekta ing perang,

**1 Buku Sejarahe - I Babad 12:8** Panunggalane wong Gad uga ana kang

misah lan sowan ing ngarsane Sang Dawud ana ing beteng ing pasamunan, yaiku para prawira kang gagah prakosa, wong kang sembada ing perang, kang pinter olah tameng lan tumbak sarta rupane kaya singa lan cukat kaya kidang ing pagunungan.

**1 Buku Sejarahe - I Babad 12:33,38 Saka Zebulon** wong kang padha sembada ing perang kang bisa ngempakake gegaman warna-warna: seket ewu kang sumanggem nyaosi pambiyantu ora kalawan mangro tingal. 38 Kabeh mau, prajurit, wong kang padha nggolong dadi sabarisan kang siyaga ing perang; kaya mangkono anggone padha sowan menyang Hebron sumedyo njumenengake Sang Prabu Dawud dadi ratu ing saindenging Israel kabeh kalawan tulusing ati; sakehe wong Israel liyane pancen iya wus padha saiweg arep njumenengake Sang Prabu Dawud dadi ratu.

**Lukas 10:19 Lah kowé wus padha dakparangi pangwasa ngidaki ula lan kalajengking, tuwin ngalahaké kakuwatanning mungsu, satemah ora ana kang mbebayani tumrap kowé.**

**2 Korintus 7:10 Sabab kasusahan kang nyondhongi karsané Yehuwah iku nuwuhaké pitobat kang nuntun marang karahayon kang ora gawé getun, nanging kasusahan kang saka ing jagat iki nuwuhaké pati.**

**2 Timotius 2:25,26 Ian kalawan alus bisa nuntun wong kang seneng nglawan, sabab mbokmenawa Gusti maringi wewengan marang wong-wong mau bisa mratobat, sarta nuntun wong-wong mau nganti padha wanuh marang kayektèn; 26 Ian sarana mangkono, banjur padha éling manèh, marga wis uwal saka kala-jireting Iblis, kang wis ngendhalèni wong-wong iku nindakna kekarepané.**

**Nehemya 4:15 Bareng mungsu padha krungu, yen rancangane iku wus daksumurupi, lan wus diwurungake dening Gusti Yehuwah aku banjur padha mbaleni balowarti maneh, siji-sijine menyang panggonane dhewe-dhewe.**

**Masmur 73:24 Margi saking pitedah Paduka, Paduka tuntun, sarta ing wekasanipun Paduka pulung dhateng kamulyan.**